

## **Oromo - Promises Scriptures**

**Jalqabee 20:6 Waaqayyo immoo abjuu sana keessa Abiimelekiin, 'Ati garaa keetti hamaa utuu hin yaadin kana akka goote ani iyyuu beeka; kanaaf ati akka ana hin yakkineef ani si dhowweera; ati akka ishee bira geessuufis ani karaa siif hin laanne.**

**Exodus 35:21,26 Isaan dhufanii tokkon tokkon isaanii garaan isaanii kan isaan dammaqse, hafuurri isaaniis kan isaan abboome dinkaana itti wal ga'aniif, hojii isaa hundumaaf, uffata qulqullaa'aafis jedhanii Waaqayyoof kennaa in dhi'eessan. 26 Dubartoonni garaan isaanii ogummaatti isaan dammaqse hundinuu rifeensa reettii in fo'an.**

**Namoota 10:35 Yommuu sanduuqichi ka'u, Museen, 'Yaa Waaqayyo ka'i! Diinonni kee haa bittimmaa'an! Warri si jibbanis fuula kee duraa haa baqatan!' in jedha ture.**

**Deuteronomy 2:25 Ani har'a naasisuu kee, sodaachisuu kees saba guutummaa bantii waaqaa jala jiraatan irratti nan fida; isaanis waa'ee kee yommuu dhaga'an in rom'u, yaadaanis in dhiphatu' jedhe.**

**Deuteronomy 9:3 Egaa har'a inni akka ibidda xaph godhuutti si dura adeemu Waaqayyo gooftaa kee akka ta'e beeki! Inni si duraa isaan in balleessa, harka kee jalas isaan in galcha; yommus ati akkuma Waaqayyo si abdachiisetti biyya keessaa isaan in baaftha, daftees isaan in fixxa.**

**Iyaasuu 2:9 isaaniin, 'Waaqayyo biyya kana akka isiniif kenne ani beeka, nuyi isin in sodaanne, warri biyya kanaa hundinuu na'anii isin duraa akkuma gagaa baqaniiru.**

**1 Saamu'elitti 17:48,50 Yeroo Goliyaad Filisxeemichi ka'ee Daawititti adeemetti, Daawitis isa ruktuudhaaf ariitiidhaan gara tarree lolaatti Filisxeemichatti in fiige. 50 Daawit billaa utuu of harkaa hin qabaatin, akkasitti furrisaa fi dhagaadhaan Filisxeemicha in mo'ate; inni Filisxeemicha rukutee in ajjeese.**

**Asteer 8:17 Kuta biyya sanaa fi mandaroota biyya sanaa, Iafuma labsiin mootichaa fi abboommiin isaa itti dhaga'ame hundumaatti, Yihudoonni gammachuudhaan, ililleedhaan, nyaataa fi dhugaatiidhaanis in ayyaneffatan; namoota biyya sanaa keessaa baay'een Yihudoota waan sodaataniif, qomoo isaanii Yihudiitti in geddaratan.**

**Iyoob 29:14 Ani qajeelummaa akka uffataatti nan uffadhe, innis anatti uffifame; firdiinis akka qoloo fi akka marata mataa ture.**

**Fakkeenyonni 13:11 Badhaadhumni karaa malee argamu irraa hir'achaa in adeema, namni itti dadhabee wal irra buusaa adeemu garuu in baay'ifata.**

**Fakkeenyonni 13:22 dhaalli nama gaarii ijoollees ijoollees isaatiitti in darba, qabeenyi nama cubbamaa garuu, nama qajeelaadhaaf in kaa'ama.**

**Fakkeenyonni 22:22,23 Hiyyeessa sababii inni hiyyoomeef hin saamin, lafa yaa'iitti warra rakkatoo hin cunqursin! 23 Waaqayyo isaaniif in ilaala, nama isaan saamu Waaqayyo immoo isa in saama.**

**Isaayaas 35:8 Achi keessa karaan in ba'a, maqaan isaas, 'Karaa qulqullaa'aa' in jedhama; karicha irra warra furaman kana duwwaatu adeema, warri gowwoonni iyuu isa irraa hin kaatan; namni xuraa'aan garuu achi irra hin darbu.**

**Isaayaas 43:2 yommuu ati bishaan keessa adeemtu ani sii wajjinan jira, yommuu ati bishaan keessa ceetus bishaan si fudhatee hin badu; ibidda keessa yommuu darbitu hin gubattu, arrabni ibiddaas si hin qabatu;**

**Isaayaas 49:25 Waaqayyo immoo deebisee, 'Eyyee wanti namni jabaan saame iyuu irraa in fudhatama, warri inni humna-qabeessi hidhates isa jalaa in baafama, ani warra siin mormaniin nan morma, ijoollees kees nan oolcha;**

**Isaayaas 54:17 si balleessuudhaaf mi'i waraanaa yoo qopheeffame iyuu, si miidhuu hin danda'u, dubbii warra firdii duratti si hammeessaniis in busheessita; kun wanta garboonni koo ana biraatii dha, isa ani isaaniif dhugaa baasuu dhas' jedhe; Waaqayyo isa kana dubbateera.**

**Isaayaas 59:17,19 inni qajeelummaa akka maddaa sibiilaatti in uffata, fayyinas akka gonfoo sibiilaatti mataa irra in kaa'ata; inni ijaa baafachuu akka uffataatti, hinaaffaas akka qolootti in uffata; 19 Yommus warri biyya gara lixa-biiftuu jiran maqaa Waaqayyoof ulfina in kennu, warri biyya gara ba'a-biiftuu jiranis ulfina isaa in sodaatu; warri isa jibban akka bishaan dafee fiiguutti yommuu dhufan, hafuurri Waaqayyoo isaanitti dhufee isaan in oofa.**

**Isaayaas 61:10 Ani Waaqayyotti guddisee nan gammada, lubbuun koos Waaqayyo kootti in ililchiti; akkuma dhirsi misirroo akka lubaatti shaashii maratu, akkuma misirroonis mi'a miidhaginaa naqattutti, akkasuma inni uffata fayyinnaa anatti uffiseera, qoloo qajeelummaatiinis na gonfeera;**

**Hisqi'el 22:30 Biyyicha akkan hin balleessineef, isaan keessaa nama dallaa ijaaree, qooda biyya sanaa ta'ee ana dura dhaabatu barbaadeen ture, garuu nama tokko illee hin arganne.**

**Hisqi'el 45:8 Inni kun Israa'el keessatti qabeenya guddaa biyyaa sanaa haa**

**ta'u! Gurguddoonti warri kan kootii si'achi saba koo hin cunqursin! Isaan namoota Israa'eliif akka gosa gosa isaaniitti laficha haa hiran!**

**Daani'el 4:16 Sammuun isaa sammuu namaa irraa haa geddaramu; sammuu bineensaas isaaaf haa kennamu; barri torbas isa irratti haa darbu;**

**Daani'el 7:4 Bineensi inni duraa leenca in fakkaata; akka joobiraas qoochoo qaba; utuu ani ilaaluus qoochoowwan isaa irraa buqqifaman; bineensichis lafaa ol kaafamee akka namaatti miilla lamaan in dhaabachiifame, qalbiin namaas in kennameef.**

**Zakaariyas 4:6 Yommus ergamichi, ergaa isa Waaqayyo biraa dhufee Zarubaabelitti akka ani dubbadhuuf anatti in hime; ergichis, 'Hafuura kootiin malee humnaan miti, aangoodhaanis miti' kan jedhu ture; kana Waaqayyo gooftaa maccaatu dubbate.**

**Maatewoosiv 24:22 Guyyoonni sun utuu gabaabbachuu dhabaatani, namni tokko iyyuu hin fayyu ture; amma garuu warra fo'amaniif jedhanii guyyoonni sun gabaabbachuuf jiru.**

**Maatewoosiv 26:41 Qoramatti akka hin galleef dammaqaa, kadhadhaa! Hafuurri illee dhimmaa dha, foon garuu dadhabaa dha' jedhe.**

**Maarqoosi 10:48-52 Namoonni baay'een calluma jechisiisuuudhaaf isa ifatan; inni garuu ittuma caalchisee iyyee, 'Ilma Daawit, na maari!' jedhe. 49 Yesus yommus dhaabatee, 'Waamaa!' jedhe. Isaan immoo namicha jaamaa sana waamanii, 'Jabaadhu, ka'i! Si waama!' jedhaniin. 50 Kanaaf inni wayyaa isaa of irraa durbatee, utaalee ka'ee, gara Yesus dhufe. 51 Yesusis, 'Maal akkan siif godhu barbaadda?' jedheen. Namichi inni jaamaan immoo deebisee, 'Agartuu koo akka anaaf deebiftu, yaa barsiisaa!' jedheen. 52 Yesus immoo, 'Karaa kee dhaqi, amantiin kee si fayyiseera!' jedhe. Achumaanis agartuun isaa deebi'eefii, karaattis isa duukaa bu'e. (Maatewoosiv 20:30-34)**

**Maarqoosi 16:20 Ergasii bartoonni dhaqanii iddo halletti lallaban; gooftaan immoo isaanii wajjin hojjete, dubbichas milikkitoota argamaniin in cimse.**

**Luqaas 14:23 Gooftichi immoo hojjetichaan, "Gara karaa gurguddaa biyya keessaatti, keloota duubattis ba'iitii, manni koo hamma guututti ol haa galaniif nuffisiisi!" jedhe.**

**Luqaas 21:15 Anuu akka ta'utti akka dubbattaniif ogummaa, warri isinitti falman dura dhaabachuu yookiis ittiin mormuu hin dandeenye isiniifan kenna.**

**Luqaas 21:36 Yeroo hundumaa dammaqaa, wanta ta'uuf jedhu kana hundumaa jalaa ba'uudhaaf, ilma namaa duras dhaabachuuudhaaf humna**

**akka argattaniif kadhadhaa' jedhe.**

**Yohaannisi 17:15 Isa hamaattii akka isaan eegduuf malee, biyya lafaa  
keessaa akka isaan baaftuuf si hin kadhadhu.**

**Hujii Ergamtootaa 11:23 Inni dhufee, ayyana Waaqayyoo isaaniif kenne  
yommuu argetti, in gammade; gooftaatti amanamanii garaa isaanii  
guutuudhaan akka itti cimaniif, isaan in gorse.**

**Hujii Ergamtootaa 13:48 Saba Waaqayyoo warri hin ta'in kana dhaga'anii  
gammadan; dubbi Waaqayyoos in jajan; warri mootummaa Waaqayyootti  
galuudhaaf yaadataman hundinuu amantoota ta'an.**

**1 Qorontoosiitti 10:13 Qoramni namatti dhufee hin beekne isinitti hin  
dhufne. Waaqayyo amanamaa waan ta'eefis, humna keessan gararraatti  
akka isin qoramtaniif isin hin dhiisu, garuu qorama sana keessatti akka  
isin dandeessan in godha, karaa isin keessaa baatanis isiniif in kenna.**

**1 Qorontoosiitti 16:9 Warri ittiin morman baay'een yoo jiraatan iyyuu, hojii  
guddaadhaa fi hojii waa'ee baasu hojjechuudhaaf karaan anaaf  
banameera.**

**2 Qorontoosiitti 12:9 Inni garuu, 'Ayyaanni koo si ga'a, humni koo dadhabaa  
keessaan akeeka isaa in raawwata' naan jedhe. Humni Kristos ana bira  
akka buufatuuf, dadhabaa ta'uun kootiin hundumaa irra caalchisee  
gammachuudhaan of nan jaja.**

**Efesooniitti 6:11 Haxxummaa Seexanaatiin mormuu akka dandeessanitti,  
mi'a lolaa isa kan Waaqayyoo guutummaatti hidhadhaa!**

**Ibrootaatti 1:7,14 Waa'ee ergamootaa illee, 'Inni ergamoota isaa akka  
qilleensaa, warra isaa ergamanis akka arraba ibiddaa in godhata' jedhe.  
14 Isaan kun hundinuu hafuurota hojii, warra fayyina argachuuf jiraniif  
hojjechuudhaaf ergaman mitii ree?**

**Yaaqoobi 4:7 Yoos harka Waaqayyoo jala of galchaa; Seexanaan immoo  
mormaa! Innis isin dhiisee in baqata.**

**1 Pheeexiroosi 5:10 Yeroo gabaabduudhaaf erga dhiphattanii booddee garuu,  
Waaqayyo inni ayyaanni hundinuu bira argamu, inni karaa Kristos gara  
ulfina isaa bara baraatti isin waame, ofii isaatii iddootti isin in deebisa,  
isin in dhaaba, isin in jabeessa, hundee keessanis in cimsa.**